

胡家驊主編
中國學術叢編

齊魯列集
四
三
十
四
種
十

鼎文書局印行

楊家駱主編

中國學術類編

鼎文書局印行

清詞別集百三十四種 第十一冊

- 一一四 勒方錡：太素齋詞鈔
一一五 蔣春霖：水雲樓詞
一一六 薛時雨：藤香館詞之一 西湖鰲唱
一一七 薛時雨：藤香館詞之二 江舟欸乃
一一八 端木埰：碧瀨詞
一一九 周星譽：東鷗草堂詞
一二〇 劉履芬：鷗夢詞
一二一 李慈銘：霞川花隱詞
一二二 張鳴珂：寒松閣詞
一二三 莊 棫：中白詞
一二四 譚 獻：復堂詞

太素齋詞

勒方錡（嘉慶二一——光緒六）

字悟九。號少仲。江西新建人。道光舉人。官至河東河道總督。洞達玄理。善書。有太素齋集。

詞雖小道。而律甚細。昔周草窗作西湖十景詞。楊守齋謂辭美而律未協。相與訂正。月餘而後定。然則作詞易。協律難也。余同年生勒少仲。河帥起家比部。數歷中外。珥至封疆。政事文學兼而有之。生平於詩文不苟作。獨喜爲詞。方其少壯時。風流自賞。歌衫舞袖閒。長令短調。促節曼聲。每一篇成。輒爲同人所歎賞。又強於記識。宋元名家之詞。背諷如流者。不下千餘首。而於萬氏紅友詞律一書。致力尤深。故其所作。婉媚深窈。使人讀之意移。而揆之於律。無一不合。昔人謂史梅溪詞。有瓊奇警邁清新閒婉之長。而無譴蕩汙淫之失。少仲之詞。庶幾近之矣。中年以後。并詞亦不輕作。當同治庚午辛未閒。竹樵方伯恩錫方開詞壇於吳下。杜筱舫觀察文瀾從而和之。爰有重刻詞律之舉。并取吾邑徐誠庵大令本立所輯詞律拾遺附益之。一時唱妍醵麗。逸興遄飛。雖以余章句陋儒。亦頻有緣情之作。而少仲以斲輪老手。密爾自娛。不出一字。殆有少年綺語之悔乎。然其將去姑蘇也。命人錄所作太素齋詞若干首以

贈余。蓋享帶自珍之意。又未嘗不在此也。少仲既歸道山。遂有刻其詞。行世者。而刻之不精。讀者憾焉。陳仲泉同年謀重刻之。余乃出少仲所錄贈者。校讐一過。并補入原刻所未有者數篇。詞雖不多。然其辭美而律又諧。雖紫霞翁見之。不能更易一字。是固詞家之正軌也。余既喜少仲之詞克傳於世。而又歎仲泉之拳拳於故友也。因書數語。以識歲月。余衰病頽唐。自竹樵筱舫諸君長逝。倚聲一道。久輟不作。今讀此編。不勝人琴之感矣。光緒十年歲次甲申仲夏。德清蔭甫俞樾。

太素齋詞鈔

江右勒方綺少仲

鷓鴣天 東湖春眺

楊柳沿隄映畫樓。湖心亭子最清幽。潄裙少女拈花立。岸幘閒人載酒遊。梨雨散。杏煙收。小橋斜徑一芳洲。落紅萬點團歌舫。春水多情不肯流。

眼兒媚 觀織

三寸靈梭萬千絲。熨貼費心機。低頭記憶。南鄉露冷。北塞霜淒。春羅花色盤鴛鳳。織就是雙飛。是誰忍得。兩邊分破。裁作征衣。

長相思 登清華寺樓

花深深。柳深深。紅暈晴光綠暈陰。暖風啼翠禽。強登臨。怕登臨。落日平蕪煙水潯。天涯萬里心。

浪淘沙

太素齋詞鈔

細雨夢中聲。燈影三更。鑪香裊盡夜淒清。滿院梨花啼杜宇。撩亂幽情。尋夢杳難成。珊枕孤橫。夢時依約醒時驚。幾度思量愁未了。雨散天明。

金縷曲 凝芬閣席上有懷雲儀并序

維年月日。筱石穎三秋圖。偕飲於凝芬小閣。斜月將墮。疏星自明。雲斂天空。風嚴氣肅。於時主人清暇。促席燕談。醇酎累斟。重簾不卷。華燭卻夜。溫鑪借春。穎三顧謂二君。是宜盡醉。毋獨醒也。塵世可憐。浮生若夢。今我不樂。日月載馳。更俯仰一二十秋。我三人者。亦霜華點鬢矣。謝家別墅。吹竹彈絲。念彼達人。寄情乃爾。我心蘊結。脾肉復生。命酒澆愁。其能已乎。感杜秋須惜少年詩意。爲金縷曲二闋。用以侑觴。倚醉揮毫。倡予和汝。

多少淒涼意。向今宵。解裝貰酒。對花拚醉。打破愁城天地闊。消得青蛾皓齒。君莫問。功名滋味。匣裏星鐔苦繡澀。枉拋殘。湖海英雄淚。驚歲月。一彈指。珊瑚斷折鞭絲墜。算丁年。煙郵水驛。馬蹄千里。落拓京華塵壓帽。如此清歡有幾。肯負了。芳筵羅綺。

喚出紫雲迴粉面。笑分司、御史情腸碎。蘭燭下、更凝睇。

釵鳳搖花髻。傍熏籠、窄裙掠帶。晚妝新理。窗外稜風吹月落。一片清寒夜氣。待錄事、重溫芳醴。手撥金猊呼小玉。倩添香、近把瓊枝倚。還觸我、舊愁思。幽詞密寫銀光紙。記年時、更闌訴別。十分顚顚。人道夫君真杜牧。惆悵啼痕滿袂。歎夢影、飛煙流水。欲寄楚雲悽惋曲。怕柔娥、蹙損眉峯翠。庭院靜、柝聲起。

洞仙歌 凝芬閣詠香櫞木瓜

大秦仙種。著金衣明麗。一段濃芬壓蘭蕙。想幽閒鑲刻。靈鳥奇花。和石葉、供向文窗素几。近知風味好。翠釜湯溫。絕勝生時澣牙齒。倚笑說瓊娥。酒畔茶邊。搓玉手、芳名試記。更細絡、紅絲貯牀頭。待蝶帳宵深。夢魂清脆。天台深處。憶橋梁危峭。長得靈蛇護仙藻。只金沙一顆。滿室芬流。論格韻、誰數沙棠臺棗。絕憐花放日。暈透胭脂。滴露勻霞鬪媚好。摘實記新秋。粉漬晶盤。投贈處、瓊琚速報。袖一點、甘酸獻瑤妃。更浸入春醪。駐伊風貌。

采桑子

胭脂坡下風光好。聯臂行歌。問訊香娥。重醉鐙前金叵羅。
雙蛾無奈情何。留得他年感歎多。哀箏彈我淒涼曲。低鎖

又二首

酸心怕聽分攜語。勉酌金卮。轉益愁悲。真箇而今是別離。
無期。不忍思維。暗背蘭釭淚溼衣。紅窗爭得重相見。多恐
籌量無計留君住。銀漢東西。咫尺天涯。只恨年時識面遲。
雁牋留贈相思字。題了重題。淚墨淒迷。卻悔年時錯見伊。

點絳脣

一片冰蟾。夜深光照梅花底。畫闌閒倚。驚覺棲鴉起。
歸掩書齋。細領愁中味。移鐙睡。峭寒孤被。夢醒人千里。

燭影搖紅

踏月尋香。畫絲簾下曾開宴。顰觴親勸雪兒歌。酒暈桃花面。底事十旬繾綣。又無端、金錢會散。夢雲流影。前日新詞。空成愁歎。重對離筵。漏聲催得寒宵短。門前潭水失靈槎。路比瀛洲遠。爭怪清魂易斷。聽陽關、芳巾淚滿。舊情長繫。望極藍橋。瓊漿玉平聲語居切。枕。

搗練子 憶內

思遠別。不勝情。漏永衾寒夢易驚。窗裏疏燈窗外月。照人心事最分明。

一翦梅 送婦櫬至潞河

暮雨西風滿目愁。多病荀郎客裏驚。秋送君何日到南州。哀淚千行。灑向東流。獨
傍魂輿聽漏籌。飄盡鱸烟冷透衾裯。角聲悲咽下城樓。未到天明。白了人頭。

長相思 哀逝

風淒淒。雨淒淒。葉打疏窗絡緯啼。鐙殘秋夢迷。長別離。黯含悲。暮地驚心聞曉雞。
淚痕霑枕衣。

憶秦娥 又一體

月沈沈。秋窗寂寂宵深深。宵深深。暗魂何許，步徧牆陰。
空房遺影悲青琴。黃泉碧落愁難尋。愁難尋。無人訴得，咽淚歸心。

菩薩蠻 八月十八日夜

暗風蕭颯搖窗紙。殘鐙暈落新愁起。吹得雨聲寒。雁聲空外酸。
尋思愁底許。壓亂無頭緒。一枕抱秋眠。夢痕涼化煙。

浪淘沙

別思滿眉端。樺燭膏殘。霜雞催喚五更闌。前日酒痕今日淚。衣袖紅斑。
回首隔清歡。驛館秋寒。銀箏淒怨不堪彈。青粉牆邊三尺路。萬水千山。

謁金門

今夜雨。特地吹來酸楚。牽觸當時離別苦。暗蟲階畔語。
錦帕香囊分付。結就愁絲千縷。襟袖啼紅溥雪紆。遠書沈雁羽。

燭影搖紅 爲慧琴賦

小閣寒輕。鏡窗窈窕安吟几。銀鑪新淪鳳團茶。坐愛雕欄倚。信是傳芳內史。忍消磨、輕塵隊裏。一枝斑管。百幅紅箋。前身花蕊。見說多愁。素絃彈折春心碎。思量誰是賞音人。冷處聽焦尾。歎我天涯萬里。向尊前、青衫沁淚。桂舟催別。酒醒銷凝。晴江烟水。

清平樂 江行

聽風聽水。百種思量起。飄泊情懷離別意。怊悵煙波千里。天涯目斷平蕪。斜陽澹照棲鳥。輸與寒磯釣叟。眼前忘得江湖。

大江東去

朔風吹雨。艤扁舟、寒夜江南孤驛。卷地驚濤連海氣。亂颭荒洲蘆荻。塔暗金山。城迷鐵甕。萬頃蛟龍國。清尊愁對。角聲還助蕭瑟。回念棲泊紅塵。虛名縈繫。十載京華客。辛苦思歸歸路遠。誰寄鄉關消息。寶劍淒涼。銀燈黯淡。香冷羅衾澀。啼鴉驚夢。曉

來星鬢添白。

朝中措

疏林烏鵲動寒聲。江冷月華清。四望楚天空闊，霜鐘飛下孤城。蓬窗夜靜，香痕半施，酒意微醒。正是客愁深處，一鐙紅得無情。

鵲橋仙

烟畦蘆菜，霜林翦橘，夢裏家園路近。驚回一枕客舟寒，聽窗外、西風淒緊。青燈照影，素牋傳淚，已是休文瘦損。空江月暗雁聲酸，更不許、愁人睡穩。

滿江紅

喚起孤愁，蘆花外、雁聲淒咽。誰念我、寒江煙水，小舟一葉。別緒遙牽楊柳岸，離魂暗度楓林月。歎十年、塵海送流光，生華髮。身世事，何堪說。多少淚，空盈睫。儘吟牋書破，唾壺敲缺。鑄就悲歡千萬錯，可憐銷費心頭鐵。□西風，三尺玉虬龍，橫青雪。

壽山溪

煙愁水怨。冷透菱葭浦。情味怕孤燈。更聽徹、疏篷細雨。三杯薄酒。對影總荒涼。江南路。蘭成賦。今古銷魂處。鄉關縹緲。隔斷寒山霧。何事十年中。竟忍作、天涯羈旅。一囊書劍。彈指老英雄。功名誤。歸心苦。欹枕殘更曙。

一斛珠 爲小伎珍珠賦

天生智慧。歌喉宛轉春鶯脆。小槽紅酒撩人醉。索得新詞。度向簾兒底。問道寂寥何日慰。買卿十斛曾無計。芙蓉編上空題字。怕見鴛鴦。點滴相思淚。

十六字令 二首

愁。杜宇啼春雁叫秋。孤燈裏。風雨下簾鉤。
歡。花月笙歌繞畫闌。泥金帖。傳與細君看。

眼兒媚 代筱笠作下三闋同

鳳脰花明漏聲長。聽曲識秋娘。最牽人處。深杯壓酒。窈閣迷香。別時言語無頭緒。千轉結迴腸。如今贏得。小舟孤枕。瑣碎思量。

柳梢青 又一體

哀絃離席。背人魂黯。一聲將息。裏淚絨愁。秋雲羅帕。萬千珍惜。知誰倚玉。寧香。怕
枉了。伊家韻格。鏡裏心盟。窗前眉語。怎生忘得。

點絳脣

驚起沙鷗。一去聲枝柔艣。煙中響。夢回惆悵。蘭幕芙蓉帳。才展清歡。越地離歌唱。
秋江上。雁風魚浪。愁結千絲網。

喝火令

寶鏡紅鸞舞。靈釵白燕飛。淡煙雙鬢小山眉。長記曲房深幙。含淚訴心期。薄命憐
花蕊。芳顏惜柳枝。直饒相見總相思。況是分襟。況是暮秋時。況是越溪孤棹。月冷聽
猿啼。

瑤花慢 遊慧山和心耕弟作

峯腰路淨。石乳泉幽。滿巖屏秋綠。嬋娟福慧。端合向、兜率宮中棲宿。鮮冰膩雪。藐姑

射。神人芳躅。爭怪道愁絕秦郎。賦就烏紗寒玉。瑞煙長繞琳房。儘留得天花。衣袖清馥。瓊漿易醉。誰更與。乞取蘭香仙粥。軟紅塵海。想別後。幾多根觸。枉夜來一縷吟魂。暗度九龍山曲。

卜算子 又一體

十里望君來。一霎愁君去。鬢上輕煙髻上雲。遮不到門前路。長被音書誤。空把歸期數。花上靈膏蕉上霜。解不到心中苦。

憶秦娥 又一體

曉朦朧。梵樓僧起傳清鐘。傳清鐘。一絲殘夢。繞向簾櫳。桃花滿樹東牆東。春光染透胭脂紅。胭脂紅。可憐昨夜。暗雨淒風。

浣溪沙 秋圃生索賦

風韻蕭閒憶窈娘。玲瓏豔雪裊釵梁。酒醒時候見殘妝。錦匣暗緘紅蠟燭。羅衾新繡紫鴛鴦。夜深添熱一痕香。